

مش عارف

باحبك ليه .. مانيش عارف!

ولا شايف في الهوى غيرك

واجري أطل ف عنكي

ومش خايف

عشان الرمش بيفتّح

ف صدر نهار

مفيش غيري وجوّه النبي

أنا المختار

ومابين قلبي وعنكي

مفيش أسرار

باحبك ليه .. مانيش عارف !

ولا عندي جواب ليكي

وليه العشق يحدفني .. ما بين رمشين

وإدق الباب ألاقكي

يا حور العين .. هنا برجين
حمام أبيض على توبك
وف دروبك .. نجوم صفين
وقمرنا عاشق خطوتك
من طلتك .. صبح القمر قمرين
باحبك ليه .. مانيش عارف!
كفايه عليّا أغزلك
هوايا قصور
ولاجل عيونك الحلوه
أعدّي بحور
واحني الشمس بكفوفك
وارسم بالورود طيفك
و لسه ف هواكي بدور
باحبك ليه .. مانيش عارف !

....